

**REGLEMENT FOR  
GODTGJERSLE  
TIL  
FOLKEVALDE  
I STORD KOMMUNE**

Reglementet er vedteke i kommunestyret 07.02.02. KST sak 47/02  
Endringar vedteke i kommunestyre 30.05.07 KST sak 21/07  
Vedteke i KST 20.10.11 sak PS 49/11 (ingen endringar)  
Endring i pensjonsordninga til folkevalde KST sak 10/14  
Vedteke KST 26.05.2016

Reglementet er gjeldande for valboken 2015-2019  
Skal reviderast siste halvdel av kvar kommunestyreperiode

# REGLEMENT FOR GODTGJERSLE TIL KOMMUNALE FOLKEVALDE I STORD KOMMUNE

## 1. ORDFØRAR

Ordføreren si godtgjersle skal vera lik stortingsrepresentantane si godtgjersle.

I dei tilfelle der ordføreren også har andre verv i fast oppretta kommunale komitear, styre, råd og utval, skal det ikkje gjevast ekstra godtgjersle for dette.

Ved utløpet av valperioden, når ordføreren ikkje vert attvald, skal han ha utbetalt godtgjersle i 3 månadar dersom han ikkje har ny stilling å gå attende til. Dersom han har stilling å gå attende til, skal han ha godtgjersle i 1 ½ månad.

## 2. MØTEGODTGJERSLE

### a) Fast godtgjersle

Dei faste medlemene i kommunestyret med unntak av ordførar, varaordførar, leiar i Forvaltningsstyret og leiarane i OUT, NMK og RHO, får ei godtgjersle tilsvarande 1,5% av ordføreren si godtgjersle til ei kvar tid.

Ved fråvær på minst 20% vert godtgjersla redusert tilsvarande.

### b) Timegodtgjersle

Medlemer/varamedlemer i alle faste kommunale styre, råd og utval – oppretta av kommunestyret eller fast styreorgan under kommunestyret, som t.d. komitear eller liknande – får ei møtegodtgjersle pr. time på 0,02 % av ordførargodtgjersla.

### c) Ungdomsrådet:

Leiar for ungdomsrådet får møtegodtgjersle for dei timane møtet varer, og frå det tidspunkt møtet startar.

Leiar: Møtegodtgjersle pr. time på 0,02 % av ordførargodtgjersla.

## 3. VARAORDFØRAR, KOMITELEIARAR OG LEIAR I FORVALTNINGSSTYRET

Godtgjersla til varaordføreren er 20 %, leiarane i komité OUT, NMK, RHO og forvaltningsstyret er 10% av ordføreren sitt godtgjersle til ei kvar tid.

## 4. LEIARANE I KONTROLLUTVALET

Leiaren i Kontrollutvalet skal ha ei godtgjersle tilsvarande 4% av ordføreren si godtgjersle til ei kvar tid.

## 5. GRUPPELEIARAR

Gruppeleiarar skal ha ei godtgjersle tilsvarande 5% av ordførar si godtgjersle til ei kvar tid. Gjeld ikkje dei som i tillegg er utvalsleiar eller varaordførar.

## 6. ANDRE LEIARFUNKSJONAR

Leiarane i Eldrerådet og Rådet for funksjonshemma skal ha ei godtgjersle på 1% av ordførar si godtgjersle.

## 7. TELEFONGODTGJERSLE

Ordførar og varaordførar har eigne avtalar for mobiltelefon

## 8. DEKKING AV UTGIFTER OG ØKONOMISKE TAP

### 8.1. Tapt arbeidsforteneste

#### a) *Ulegitimert tap:*

0,018 % av ordførargodtgjersla pr. time avgrensa til 7,5 t innanfor normal arbeidstid der den folkevalde er tilsett.

#### b) *Legitimert tap:*

1/1950 del (timeløn) avgrensa til 75 % av ordførargodtgjersla. Dette gjeld for møtetid innanfor normal arbeidstid der den folkevalde er tilsett.

Dersom ein representant har skiftarbeid og må frigjerast for større delar eller heile skiftet i samband med møte, så skal slik tapt arbeidsforteneste dokumenterast av arbeidsgjevar

#### c) *Personleg næringsdrivande:*

1/1800 del av pensjonsgjevande inntekt frå siste likning avgrensa til 75% av 1/1950 (timeløn) av ordførargodtgjersla. Dette gjeld for normal arbeidstid innanfor næringa. Arbeidstid vert i denne samanheng normalt definert til innanfor kl. 07.00 og kl. 17.00.

### 8.2. Utgifter til omsorgsteneste

Legitimerte omsorgsutgifter vert dekkja med 0,018 % av ordførargodtgjersla pr. time.

### 8.3. Køyregodtgjersle

- a) Ordføraren har fast køyregodtgjersle etter same satsar som for kommunalt tilsette, gruppe 1. Ordføraren si kilometergodtgjersle skal reknast frå og til bustad.
- b) Andre folkevalde får dekt reiseutgifter til møte, i samband med synfaringar, pålagde konferansar og liknande etter reiserekning i samsvar med kommunale skyssregulativ til ei kvar tid.

### 8.4. Andre utgifter:

Arbeidsgjevarutvalet i Driftstyret kan gje løyve til dekking av andre utgifter som den folkevalde har, ut over det som går fram i pkt. 8.1 – 4.

## 9. PENSJONSORDNING

Folkevalde si pensjonsordning vert ein del av den ordinære tenestepensjonsordninga som gjeld alle tilsette i kommunen (ikkje lærarar og sjukepleiarar som har eiga tenestepensjonsordning)

## 10. FORSIKRINGSORDNING

Kommunale ombod er omfatta av ulykkesforsikringa som kommunen har for sine arbeidstakarar, § 11 i Hovudtariffavtalen. Forsikringa gjeld for den tida omboda er i kommunal teneste, møte og liknande + reise til og frå.

## 11. UTBETALING AV MØTEGODTGJERSLE

Den **faste** godtgjersla skal utbetalast 2 gonger pr. år (i juni og desember), med unntak av ordførar, varaordførar, komiteleiarane, leiaren i Forvaltningsstyret og Kontrollutvalet som får leiargodtgjersla utbetalt med 1/12 del pr. måned.

**Timegodtgjersla** vert utbetalt i desember måned kvart år. Det vert ikkje betalt feriepengar for godtgjersle.

## 12. TVISTESPØRSMÅL , TOLKINGAR M.M.

Dersom det er spørsmål om forståing av reglementet, får Driftsstyret sitt Arbeidsgjevarutval fullmakt til å ta avgjerd. Dette gjeld også fastsetjing av godtgjersle der det ev er kombinasjonar av fleire verv.